

Di dal plurilinguisssem en chasa federala

Bilantscha positiva per l'emprim «Di dal plurilinguisssem» en il parlament federal ed en l'administraziun federala

■ (cp) Venderdi passà ha gi lieu l'emprim «Di dal plurilinguisssem» en il parlament federal ed en l'administraziun federala. Durant quel di ch'ha gi la finamira d'invertir la «paisa da las linguas» èn numerusas commembras e numerus commembers dal parlament federal e collavuraturas e collavuraturas da l'administraziun federala s'exprimids en ina lingua naziunala svizra che n'è betg lur atgna. Per ils commembers dal parlament federal ed ils collavuraturas da l'administraziun federala è il di da ier stà in'ocasiun per far in ulterior

pass a favur dal plurilinguisssem. La finamira dal «Di dal plurilinguisssem» è stada surtut d'encuraschar il barat e la chapientscha tranter las persunas da las differentas cuminanzas linguisticas e da promover la ritgezza da las linguas naziunalas svizras.

En il parlament federal han numerusas deputadas e numerus deputads fatg lur votums en ina lingua naziunala che n'è betg lur atgna. Ils Svizzers tudestgs han discurrì en ina lingua latina ed ils represchentants latins en in'otra lingua latina u en tudestg.

Bleras activitads interculturalas

Per encuraschar lur collavuraturas e collavuraturas da s'exprimer en ina lingua naziunala svizra – principalmain latina – che n'è betg lur atgna èn vegnidas organisadas en ils differents departaments ed uffizis federals da l'administraziun federala bleras activitads interculturalas. La preschentaziun da films curts svizzers, concurrenz, tandems linguistic, specialitads culinaricas da las differentas regions etc. han gi lieu cunzunt durant la pausa da mezdi.

A l'administraziun federala ha quest di era dà la chaschun d'engraziar a tut sias collavuraturas e ses collavuraturas dad ina lingua latina che lavuran l'entir onn en in ambient prevalentmain tudestg.

Iniziativa da Helvetia Latina

Las trais gruppas parlamentaras «Plurilinguitad CH», «Italianità» e «Lingua e cultura rumantscha» han sustegnì activamain il di inizià da Helvetia Latina. Las presidentas ed ils presidents da las gruppas han beneventà l'engaschament da lur collegas:

esprimersi in una lingua nazionale che non è la propria. Alcuni hanno dimostrato più coraggio, altri meno, ma credo che tutti si siano resi conto – attraverso questa giornata particolare – quale importanza abbia per la coesione nazionale l'espressione orale e scritta nelle diverse lingue nazionali»

Roberta Pantani, Co-presidente intergruppo parlamentare «Italianità» e Consigliera nazionale

«Bella e arricchente questa occasione particolare di vivere la ricchezza linguistica del nostro Paese!»

Silva Semadeni, Co-presidenta e intergruppo parlamentare «Italianità» e Consigliera nazionale

«Je suis heureux que nous ayons pu vivre cette Journée du plurilinguisme. Je souhaite que son état d'esprit s'implante de plus en plus dans l'administration fédérale et auprès des autorités»

Laurent Wehrli, Président Helvetia Latina et Conseiller national

«Im Ständerat haben zahlreiche ParlamentarierInnen ihre Voten – zumindest die Einleitung, in einer anderen Landessprache als ihrer Muttersprache gehalten. Mir wurde die Möglichkeit geboten, als Vizepräsident einen Teil der Sitzung in drei Landessprachen zu leiten. Dieser Tag war ein voller Erfolg.»

Hans Stöckli, Vizepräsident des Ständerates und Präsident der parlamentarischen Gruppe «Mehrsprachigkeit CH»

«Finalmente! Anche se per un solo giorno, i nostri colleghi parlamentari hanno potuto sperimentare in diretta cosa vuol dire

«Igl'emprim Di dil plurilinguisssem ha mussau tgei gronda resursa che nos lungatgs ein per la Svizra. L'entschatta ei dada. Cun la presenza dil romontsch astgein nus perencunter buc esser cuntents. Ei dat aunc bia lavur da pershuasiun e sensibilisaziun. Ei drova pia ina continuaziun.»

Martin Candinas, president da la gruppa parlamentara «Lingua e cultura rumantscha» e cusseglier naziunal

La bilantscha da l'emprim «Di dal plurilinguisssem» è positiva, las gruppas parlamentaras numnadas e Helvetia Latina speran fitg ch'i dettia ina cuntinuaziun ils 26 da settember 2020. Il di gidass er a far attent al «Di da la bilinguitad» en blers chantuns ed al «Di europeic da las linguas» ch'il Cussegl da l'Europa ha lantschà il 2001.



A l'ocasiun dal Di dal plurilinguisssem èn numerusas commembras e numerus commembers dal parlament federal s'exprimids en ina lingua naziunala che n'è betg lur atgna.